

Հատ անգամ, մանաւանդ առատ տարիներումը, երբ արմտիքները աժան են լինում: գիւղացին ամենամեծ դժուարութեան մէջ է ընկնում, կապալառուները, կամ նորանց հետ դաշնակցած կառավարութիւնը նորանից տասանորդական տուրքը արմտիքով ստանալու փոխարէն, արմտիքի արժէքը փողն են պահանջում: Գիւղացին ստիպուած է լինում խիստ պակաս գնով արմտիքը ծախել, պահանջած գումարը ձեռք բերելու համար: Այդ վնասի հաշուով գիւղացու վերայ տասանորդական տուրքը համարեայ տասին վեց է նստում:

Ամենից յետին կարգումը դասաւորվում են քրդաց հարստահարութիւնները, որոնց համար շատ անգամ աւելի խիստ խօսված և գրված է:

Պորանց բոլոր ճնշումը կայանում է գողանալումը, թալանելումը, վրէժխնդրութեան հոգով եղած հրդէհներումը: Բացի այդ իւրաքանչիւր հայ գիւղացին քրդերից իւր «քրիվան» (կնքաւոր) ունի, որի սիրտը շահում է իւր ստացուածքի պաշտպանութեան համար:

Ես նորա համար քրդերի հարստահարութեանց նուազ նշանակութիւն եմ տալիս, որովհետեւ գիւղերում կատարված գործնական փորձերը ցոյց տուին, որ դա վաղանցուկ է, անդարմանելի չէ: Այն գիւղերը, որոնք ապացուցին, թէ իւրեանք իւրեանց ապրանքին տէրն են